

Ўзбекистон Республикаси
Марказий банкида

2022 йил “28” апрелда
рўйхатга олинган

Рўйхатга олиш рақами 37/6

Ўзбекистон Республикаси
Марказий банки раисининг
биринчи ўринбосари



Б.Э. Захидов

“МИКРОКРЕДИТБАНК”
акциядорлик-тижорат банки
Уставига киритилган
ўзгартишлар ва қўшимчалар

“ТАСДИҚЛАНГАН”

“Микрокредитбанк” АТБ

Акциядорларининг навбатдан ташқари
умумий йиғилишининг
2022 йил “30” мартдаги
3-сонли баённомаси билан

Кузатув кенгаши раиси



О.Р. Исаков

Тошкент - 2022

“Микрокредитбанк” акциядорлик-тижорат банки Уставига киритилган ўзгартишлар ва қўшимчалар

1. Уставнинг 2.3-банди қуйидаги таҳрирда баён этилсин:

“2.3. Банк универсал банк бўлиб, Ўзбекистон Республикасининг банк тизимига кирази ва ўз фаолиятида Ўзбекистон Республикасининг Фукаролик кодекси, “Банклар ва банк фаолияти тўғрисида”ги ва “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунлари, Марказий банкининг норматив-ҳуқуқий ҳужжатлари ва Ўзбекистон Республикасининг амалдаги қонунчилигига ҳамда мазкур Уставга амал қилади”.

2. Уставнинг 3.10-банди:

қуйидаги мазмундаги иккинчи хатбоши билан тўлдирилсин:

“Банк хизматлари марказлари (офислари), қоида тариқасида, банк ҳисобварақларини очиш, омонатлар (депозитлар)га пул маблағларини жалб қилиш, тўловлар ва халқаро пул ўтказмаларини амалга ошириш, валюта айирбошлаш, тижорат кредитлари, шу жумладан истеъмол ва авто кредити, микроқарзларни бериш каби асосий молиявий операцияларни (банк хизматларини) кўрсатади”;

қуйидаги мазмундаги учинчи хатбоши билан тўлдирилсин:

“Банк хизматлари марказлари (офислари)да улар жойлашган ҳудуд аҳолисининг эҳтиёжларидан келиб чиққан ҳолда Банк лицензияси доирасида ўз низомларига мувофиқ бошқа молиявий операцияларни (банк хизматларини) ҳам амалга ошириши мумкин”.

3. Уставнинг 5.2-банди қуйидаги таҳрирда баён этилсин:

“5.2. Банкнинг устав капитали миқдори 3 547 333 340 220 (уч триллион беш юз қирқ етти миллиард уч юз ўттиз уч миллион уч юз қирқ минг икки юз йигирма) сўмни ташкил қилади ва номинал қиймати 1068 (бир минг олтмиш саккиз) сўм бўлган 3 321 338 165 (уч миллиард уч юз йигирма бир миллион уч юз ўттиз саккиз минг бир юз олтмиш беш) дона эгасининг номи ёзилган оддий ва 135 000 (бир юз ўттиз беш минг) дона эгасининг номи ёзилган имтиёзли жойлаштирилган акциялардан иборат”.

4. Уставнинг 6.1-банди қуйидаги таҳрирда баён этилсин:

“6.1. Жойлаштирилган имтиёзли акцияларнинг номинал қиймати Банк устав капиталининг йигирма беш фоизидан ошмаслиги керак”.

5. Уставнинг 6.9-банди қуйидаги таҳрирда баён этилсин:

“6.9. Эълон қилинган акциялар: Банк устав капиталини ошириш мақсадида, жойлаштирилган акцияларига қўшимча равишда жойлаштиришга ҳақли бўлган эълон қилинган акцияларнинг миқдори

номинал қиймати 1068 (бир минг олтмиш саккиз) сўмлик 3 417 424 294 (уч миллиард тўрт юз ўн етти миллион тўрт юз йигирма тўрт минг икки юз тўқсон тўрт) дона умумий қиймати 3 649 809 145 992 (уч триллион олти юз қирқ тўққиз миллиард саккиз юз тўққиз миллион бир юз қирқ беш минг тўққиз юз тўқсон икки) сўм бўлган, эгасининг номи ёзилган, ҳужжатсиз шаклдаги, оддий акциялардан иборат”.

6. Уставнинг 7.3-банди қуйидаги таҳрирда баён этилсин:

“7.3. Акцияларнинг очик обунаси фақат ташкил этилган қимматли қоғозлар савдоларида ўтказилади”.

7. Уставнинг 7.4-банди қуйидаги таҳрирда баён этилсин:

“7.4. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (ташкил этилган қимматли қоғозлар савдоларига чиқариш) нархи Банк Кузатув кенгаши томонидан қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади”.

8. Уставнинг 9-боби қуйидаги мазмундаги 9.23-банд билан тўлдирилсин:

“9.23. Банк тузилган шартномага мувофиқ Қимматли қоғозларнинг марказий депозитарийси ва (ёки) инвестиция воситачилари орқали дивидендлар тўловини амалга ошириш ҳуқуқига эга”.

9. Уставнинг 12.7-банди “ц”-кичик банди:

бешинчи хатбошиси чиқариб ташлансин;

олтинчи-тўққизинчи хатбошилари тегишинча бешинчи-саккизинчи хатбошилари деб ҳисоблансин.

10. Уставнинг 12.9-банд учинчи хатбошиси қуйидаги таҳрирда баён этилсин:

“Акцияларни жойлаштириш (ташкил этилган қимматли қоғозлар савдоларига чиқариш) нархини белгилаш”.

11. Уставнинг 13.3-банди “л”-кичик банди қуйидаги таҳрирда баён этилсин:

“л) акцияларни жойлаштириш (ташкил этилган қимматли қоғозлар савдоларига чиқариш) нархини белгилаш”.

12. Уставнинг 14.2-банди қуйидаги таҳрирда баён этилсин:

“14.2. Банк Бошқаруви 7 (етти) нафар аъзодан иборат бўлиб, акциядорлар умумий йиғилишининг ваколатлари ва банк Кузатув Кенгаши ваколатларига киритилган масалалардан ташқари барча масалаларни ҳал қилиш ваколатига эга”.

13. Уставнинг 14.3-банди қуйидаги таҳрирда баён этилсин:

“14.3. Банк Бошқаруви таркибига Бошқарув Раиси, унинг ўринбосарлари, Бош бухгалтер, шунингдек Банк фаолиятининг муҳим йўналишларини таъминловчи бошқа мутахассислар кириши мумкин”.

14. Уставнинг 14.6-банди қуйидаги таҳрирда баён этилсин:

“14.6. Банкнинг Бошқарув раиси ва Бошқарув раиси ўринбосарлари тайинлаш, қоида тарихида, чет эллик менежерлар иштирок этиши мумкин бўлган танлов бўйича саралаш асосида амалдаги қонунчиликда белгиланган тартибда акциядорларнинг умумий йиғилиши ёки Кузатув кенгаши қарори билан тайинланади”.

15. Уставнинг 14.13-банди қуйидаги таҳрирда баён этилсин:

“14.13. Банк Бошқаруви унинг кун тартибига киритилган масалаларни, агар мажлисда Бошқарув аъзоларининг 5 (беш) нафардан кам бўлмаган аъзоси қатнашса, ҳал қилишга ҳақлидир”.

16. Уставнинг 14.17-банд “в”-кичик банди қуйидаги таҳрирда баён этилсин:

“в) Банк ва унинг ходимлари, шўъба корхоналари, ваколатхоналари, филиаллари, банк хизматлари марказлари (офислари) учун мажбурий бўлган қарорлар чиқариш”.

17. Уставнинг 14.17-банд “и”-кичик банди қуйидаги таҳрирда баён этилсин:

“и) Ўзбекистон Республикаси қонунчилиги ва Банк ички ҳужжатларига риоя қилиш”.

18. Уставнинг 14.18-банд “з”-кичик банди қуйидаги таҳрирда баён этилсин:

“з) Банк номидан Банк филиаллари ва банк хизматлари марказлари (офислари) раҳбарлари билан меҳнат шартномаларини тузади”.

19. Уставнинг 15.1.8-банди қуйидаги таҳрирда баён этилсин:

“15.1.8. Банкнинг тафтиш комиссияси амалдаги қонунчиликка мувофиқ акциядорларнинг навбатдан ташқари умумий йиғилиши чақирилишини талаб қилишга ҳақли”.

20. Уставнинг 15.1.12-банди қуйидаги таҳрирда баён этилсин:

“15.1.12. Тафтиш комиссияси Банкда аффилиланган шахслар билан тузилган битимлар ёки йирик битимлар мавжудлиги, шунингдек қонунчилик ва Банк ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда Банк кузатув кенгашининг мажлисига олиб чиқади. Уставнинг 15.1.9-бандида кўрсатилган ахборотни ўз ичига олган хулоса акциядорларнинг йиллик умумий йиғилишида эшитилади”.

21. Уставнинг 15.2.1-банди қуйидаги тахрирда баён этилсин:

“15.2.1. Банкда ички аудит хизмати ташкил этилади. Ички аудит хизмати банкнинг текширилаётган фаолиятдан ва бошқарувидан мустақил бўлиб, у Банкнинг Кузатув кенгаши ва Аудит қўмитасига бевосита бўйсунди. Ички аудит хизмати аъзоларининг сони ва шахсий таркиби амалдаги қонунчилик билан белгиланган тартибда ташкил этилади”.

22. Уставнинг 15.2.2-банди қуйидаги тахрирда баён этилсин:

“15.2.2. Ички аудит хизмати Банкнинг ижроия органи, Бош офиси, филиаллари, банк хизматлари марказлари (офислари) ва ваколатхоналари томонидан қонунчиликка, Банк уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Банкни бошқариш юзасидан қонунчиликда белгиланган талабларга риоя этилишини текшириш ҳамда мониторинг олиб бориш орқали Банкнинг ижроия органи, Бош офиси, филиаллари ва ваколатхоналари ишини назорат қилади ҳамда баҳолайди. Шунингдек ички аудит хизмати 50 фоиздан зиёд улуши Банкга тегишли бўлган юридик шахслар билан ўтказилган операциялар устидан назоратни амалга оширади”.

23. Уставнинг 17-боб номи қуйидаги тахрирда баён этилсин:

“17. БАНК ФИЛИАЛЛАРИ ВА БОШҚА АЛОҲИДА БЎЛИНМАЛАРИ, УЛАРНИ ТАШКИЛ ЭТИШ ТАРТИБИ”.

24. Уставнинг 17.1-банди қуйидаги тахрирда баён этилсин:

“17.1. Банк филиали Банкнинг юридик шахс бўлмаган, Банк номидан банк фаолиятини амалга оширувчи ва Банк томонидан ўзига берилган ваколатлар доирасида ҳаракат қилувчи алоҳида бўлинмаси ҳисобланади”.

25. Уставнинг 17.2-банди қуйидаги тахрирда баён этилсин:

“17.2. Банк қонунчилик ва Банк Уставида белгиланган доирада ва тартибда Ўзбекистон Республикаси ҳудудида филиаллар ва банк хизматлари марказлари (офислари) ташкил этиши ҳамда уларга ваколатлар бериши мумкин”.

26. Уставнинг 17.4-банди қуйидаги тахрирда баён этилсин:

“17.4. Филиалга Банк мол-мулки бириктирилади ва “филиал” сўзи қўшимча қилинган ҳолда Банкнинг номи билан тўлиқ мос бўлган номга эга бўлади”.

27. Уставнинг 17.5-банди қуйидаги таҳрирда баён этилсин:

“17.5. Филиал ўз фаолиятини Банк Кузатув кенгаши томонидан тасдиқланган филиал тўғрисидаги низом ва Банка берилган лицензия асосида амалга оширади.

Филиал раҳбари Банк томонидан берилган ишончномага асосан фаолият юритади”.

28. Уставнинг 17.6-банди қуйидаги таҳрирда баён этилсин:

“17.6. Банк филиаллари қонунчиликка мувофиқ Банк Кузатув кенгаши қарорига биноан очилади/тугатилади.

Банк филиалларини очганлик/тугатганлик тўғрисида Марказий банка қонунчиликда белгиланган тартибда хабарнома юборилади”.

29. Уставнинг 17.7-банди қуйидаги таҳрирда баён этилсин:

“17.7. Банк филиаллари раҳбарлари ва унинг ўринбосарлари ҳамда бош бухгалтерлари Банк Бошқаруви раиси томонидан лавозимга тайинланади.

Банк Бошқарув раиси Банк филиаллари раҳбарлари ва унинг ўринбосарлари ҳамда бош бухгалтерлари билан Банк номидан меҳнат шартномасини тузади”.

30. Уставнинг 17-боби:

қуйидаги мазмундаги 17.8-банд билан тўлдирилсин:

“17.8. Банк мижозларга тезкор хизмат кўрсатиш мақсадида Ўзбекистон Республикасида банк хизматлари марказлари (офислари)ни ташкил қилади”;

қуйидаги мазмундаги 17.9-банд билан тўлдирилсин:

“17.9. Банк хизматлари марказлари (офислари) Банк ёки Банк филиали биносидан ташқарисида жойлашган банкнинг таркибий бўлинмаси ҳисобланади ва Банк ёки унинг филиали билан ягона бўлган Банк (филиал) баъниси ва кодига эга бўлади”;

қуйидаги мазмундаги 17.10-банд билан тўлдирилсин:

“17.10. Банк хизматлари маркази (офиси) “минибанк”, “чакана хизматлар маркази”, “банк хизматлари маркази”, “банк хизматлари офиси” ва бошқа сўз ва сўз бирикмалари қўлланилган ҳолда турли хил номланиши мумкин”;

қуйидаги мазмундаги 17.11-банд билан тўлдирилсин:

“17.11. Банк хизматлари марказлари (офислари) қонунчиликка мувофиқ Банк Бошқаруви қарорига биноан очилади/тугатилади.

Банк хизматлари марказларини (офисларини) очганлик/тугатганлик тўғрисида Марказий банкка қонунчиликда белгиланган тартибда хабарнома юборилади”;

қуйидаги мазмундаги 17.12-банд билан тўлдирилсин:

“17.12. Банк хизматлари маркази (офиси) ўз фаолиятини Банк Бошқаруви томонидан тасдиқланган банк хизматлари офиси тўғрисидаги низом ва Банкка берилган лицензия асосида амалга оширади.

Банк хизматлари маркази (офиси) раҳбари Банк томонидан берилган ишончномага асосан фаолият юритади”;

қуйидаги мазмундаги 17.13-банд билан тўлдирилсин:

“17.13. Банк хизматлари марказлари (офислари) раҳбарлари ва бухгалтерия ҳисобини юритишга масъул ходимлари Банк Бошқаруви раиси томонидан лавозимга тайинланади.

Банк Бошқарув раиси Банк хизматлари марказлари (офислари) раҳбарлари ва бухгалтерия ҳисобини юритишга масъул ходимлари билан Банк номидан меҳнат шартномасини тузади”.

31. Уставнинг 18.6-банд учинчи хатбошиси қуйидаги тахрирда баён этилсин:

“– Ўзбекистон Республикасининг амалдаги қонунчилигига мувофиқ суд қарорига асосан”.

32. Устав матнидаги “қонун ҳужжатларида”, “қонун ҳужжатларига” ва “қонун ҳужжатлари” деган сўзлар тегишинча “қонунчиликда”, “қонунчиликка” ва “қонунчилик” деган сўзлар билан алмаштирилсин.

Бошқарув раиси



О.А. Бутаев

